

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE
OPĆINA OLOVO
OPĆINSKO VIJEĆE

Na osnovu člana 311. stav 2. Zakona o privrednim društvima („Sl. novine FBiH“ broj: 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), člana 3. Zakona o javnim preduzećima u Federaciji BiH („Sl. novine FBiH“ broj: 8/05, 81/08, 22/09 i 109/12), člana 22. tačka 19. Statuta Općine Vareš-Prečišćeni tekst broj 01-162/12 od 11.09.2012. godine i člana 93. Statuta Općine Olovo broj 01-01-2-1739/07 od 25.04.2007. godine, Općinsko Vijeće Vareš i Općinsko Vijeće Olovo na zajedničkoj 1. vanrednoj sjednici održanoj u Varešu dana 02.07. 2013. godine, d o n o s e

O D L U K U
o osnivanju Javnog preduzeća „Šumsko-privredno društvo
Šumarstvo Vareš i Olovo“ d.o.o. Vareš

I OPĆE ODREDBE

Član 1.

Ovom Odlukom, implementirajući odredbe Evropske povelje o lokalnoj samoupravi i Zakona o principima lokalne samouprave u Federaciji BiH, Općinska vijeća Vareš i Olovo, s ciljem obavljanja djelatnosti uzgoja, zaštite i iskorištavanja šuma na području općina Vareš i Olovo, u granicama šumsko-privrednih područja „Olovsko i Gornjebosansko“, osnivaju jedinstveno Javno preduzeće „Šumsko-privredno društvo Šumarstvo Vareš i Olovo“ d.o.o. Vareš (u daljem tekstu: Društvo).

Društvo iz stava 1. ove Odluke organizuje se kao jedinstveni pravni subjekt u oblasti šumarstva na području općina Vareš i Olovo.

Društvo iz stava 1. ove Odluke organizovati će se u dvije poslovne jedinice, a to su poslovna jedinica Vareš i poslovna jedinica Olovo.

II FIRMA I SJEDIŠTE

Član 2.

Društvo posluje pod nazivom Javno preduzeće „Šumsko-privredno društvo Šumarstvo Vareš i Olovo“ d.o.o. Vareš.

Skraćena firma Društva glasi: JP „ŠPD Šumarstvo Vareš i Olovo“ d.o.o. Vareš.

Član 3.

Sjedište Društva je u Varešu, ulica Ljepovići bb.

Član 4.

Društvo ima pečat okruglog oblika, promjera 30 mm u čijem prvom krugu piše latiničnim pismom Javno preduzeće „ Šumsko-privredno društvo Šumarstvo Vareš i Olovo“ d.o.o. Vareš.

Za ovjeru finansijske dokumentacije upotrebljava se pečat promjera 15 mm sa istovjetnim tekstom kao u velikom pečatu iz stava 1. ovog člana.

III DJELATNOST DRUŠTVA

Član 5.

Djelatnost društva je:

- 16.1 Piljenje i blanjanje drva (proizvodnja rezane građe); impregnacija drveta
- 16.2 Proizvodnja proizvoda od drva, pluta, slame i pletarskih materijala
- 31.0 Proizvodnja namještaja
- 43.32 Ugradnja stolarije
- 46.13 Posredovanje u trgovini drvenom građom i građevinskim materijalom
- 46.47 Trgovina na veliko namještajem, tepisima i opremom za rasvjetu
- 46.73 Trgovina na veliko drvom, građevinskim materijalom i sanitarnom opremom
- 55.1 Hoteli i sličan smještaj
- 55.3 Kampovi i prostori za kampiranje
- 56.1 Djelatnosti pripreme i usluživanja hrane i pića
- 55.2 Odmarališta i slični objekti za kraći odmor
- 73.1 Promocija (reklama i propaganda) i istraživanje tržišta
- 02.1 Uzgoj šuma i ostale djelatnosti u šumarstvu
- 01.29 Uzgoj ostalih višegodišnjih usjeva
- 01.3 Uzgoj sadnog materijala i ukrasnog bilja
- 01.7 Lov, stupačarenje i uslužne djelatnosti u vezi s njima
- 02.2 Sječa drva (iskorištavanje šuma)
- 02.4 Pomoćne usluge u šumarstvu
- 03.1 Ribolov
- 03.12 Slatkovodni ribolov
- 03.22 Slatkovodna akvakultura
- 52.1 Skladištenje robe
- 52.2 Pomoćne djelatnosti u prijevozu
- 68.1 Kupovina i prodaja vlastitih nekretnina
- 68.2 Iznajmljivanje i upravljanje vlastitim nekretninama ili nekretninama uzetim u zakup (leasing)
- 77.3 Iznajmljivanje i davanje u zakup (leasing) ostalih mašina, opreme te materijalnih dobara
- 81.2 Djelatnosti čišćenja
- 81.3 Uslužne djelatnosti uređenja i održavanja zelenih površina
- 84.25 Djelatnosti vatrogasne službe

IV IZNOS OSNOVNOG KAPITALA DRUŠTVA

Član 6.

Osnovni kapital Društva je iznos od 2.000,00 KM (slovima: dvije hiljade konvertibilnih maraka) u novcu.

Imovinu Društva čine materijalno-tehnička sredstva i ljudstvo utvrđeno diobenim bilansom.

Društvo može pribavljati dodatna sredstva povećanjem osnovnog kapitala novim ulaganjem u novcu, stvarima ili pravnim reinvestiranjem dobiti o čemu odluku donosi osnivač Društva.

V URAVLJANJE I RUKOVOĐENJE DRUŠTVOM

Član 7.

Društvom upravlja Skupština.

Prava i obaveze Skupštine društva vrše osnivači.

U ime osnivača prava i obaveze Skupštine Društva vrši Skupština Društva koja ima 5 (pet) članova i to predsjednika i 4 (četiri) člana.

Društvo ima Skupštinu, Nadzorni odbor, Upravu društva i Odbor za reviziju.

Član 8.

Nadzorni odbor broji 3 (tri) člana i imenuje ga Skupština Društva u skladu sa zakonom.

Član 9.

Nadzorni odbor nadležan je za obavljanje poslova i vršenje ovlasti utvrđenih Zakonom o privrednim društvima i Zakonom o javnim preduzećima.

Bliže odredbe o radu i nadležnostima Nadzornog odbora Društva utvrdit će se Statutom.

Član 10.

Skupštinu imenuju Općinska Vijeća Vareš i Olovo, na prijedlog Općinskih načelnika i njen mandat traje 4 godine, s mogućnošću ponovnog izbora.

Skupštinu Društva čine članovi Općina Vareš i Olovo, i to 3 (tri) člana iz Općine Olovo i 2 (dva) člana iz Općine Vareš, koje imenuju Općinska vijeća.

Pored odluka utvrđenih Zakonom o privrednim društvima i Zakonom o javnim preduzećima u FBiH Skupština društva donosi odluke i o sljedećem:

1. dugoročni i srednjoročni plan razvoja šumarstva,
2. odluku o statusnim promjenama, uz suglasnost Općinskih vijeća,
3. statut Društva,
4. odluku o raspolaganju kapitalom,
5. odluku kojom se uređuju mjerila za raspoređivanje dobiti,
6. šumsko-privredne osnove, uz saglasnost Općinskih vijeća
7. planove i programe za proširenu biološku reprodukciju šuma, te druge planove i programe iz oblasti šumarstva,
8. kriterije za raspodjelu finansijskih sredstava ukupnog prihoda Društva po namjeni,
9. bira i razrješava članove Nadzornog odbora

Član 11.

Poslovanje društva vodi i Društvo zastupa uprava.

Uprava društva ima 3 (tri) člana i to:

- direktor,
- izvršni direktor za tehnologiju,
- izvršni direktor za logistiku.

Imenovanje i razrješenje članova Uprave društva vrši Nadzorni odbor uz prethodnu suglasnost Skupštine po postupku utvrđenom Zakonom o privrednim društvima i Statutom društva.

Član 12.

Direktor Društva odgovoran je za provođenje poslovne politike i odluka Nadzornog odbora Društva u skladu sa zakonom, statutom i ovom Odlukom.

Član 13.

Odbor za reviziju broji 3 (tri) člana. Predsjednika i članove Odbora za reviziju imenuje na prijedlog Nadzornog odbora Skupština Društva.

Odbor za reviziju obavlja poslove u skladu sa Zakonom o javnim preduzećima u Federaciji BiH.

VI OBAVLJANJE VANJSKO-TRGOVINSKIH POSLOVA

Član 14.

Društvo obavlja poslove vanjsko-trgovinskog prometa u okviru registrovane djelatnosti i to:

- vanjska trgovina neprehrambenim proizvodima, uvoz-izvoz.

Član 15.

U obavljanju vanjsko-trgovinskih poslova, Društvo zastupa i predstavlja direktor društva, bez ograničenja ovlaštenja u okviru registrovane djelatnosti.

VII FINANSIRANJE DJELATNOSTI

Član 16.

Djelatnost Društva se finansira iz:

- sredstava koja se obezbjeđuju obavljanjem djelatnosti,
- sredstvima donatora i sponzora.

Član 17.

Utvrđivanje prihoda i rashoda, te rezultat poslovanja utvrđuje se polugodišnjim i godišnjim bilansom poslovnog uspjeha. Dobit u poslovanju se formira u skladu sa zakonom.

Osnivač može svoju neto dobit povući kroz dividendu, a može svu ili dio dobiti uložiti u Društvo odnosno reinvestirati.

Osnivači će ostvarenu dobit dijeliti shodno iznosu ostvarene dobiti poslovnih jedinica.

VIII PRAVNA SPOSOBNOST, PRAVA I OBAVEZE OSNIVAČA

Član 18.

Društvo ima pravo da u pravnom prometu zaključuje ugovore i preuzima druge pravne radnje u okviru svoje pravne sposobnosti.

Osnivači ne odgovaraju za obaveze Društva.

Društvo odgovara za svoje obaveze cjelokupnom svojom imovinom.

IX OSTVARIVANJE PRAVA ZAPOSLENIKA

Član 19.

Zaposlenici u Društvu ostvaruju svoja prava upravljanja i odlučivanja na način propisan Statutom, u skladu sa Zakonom o radu i kolektivnim ugovorom.

X STATUSNE PROMJENE OBLIKA I PRESTANAK RADA DRUŠTVA

Član 20.

Odluku o promjeni oblika Društva donose osnivači na prijedlog skupštine Društva.

Član 21.

Društvo prestaje sa radom u slučajevima propisanim zakonom.

U slučajevima stečaja i likvidacije, osnivač koristi zakonom propisana prava.

XI PRELAZNE I ZAVRŠNE ODREDBE

Član 22.

Rok za donošenje Statuta i drugih akata Društva je 60 dana od dana donošenja ove Odluke.

Do izbora organa upravljanja, nadzora i rukovođenja društva imenovat će se višiocu dužnosti na period ne duži od 60 dana u skladu sa zakonom.

Član 23.

Troškove vezane za osnivanje Društva snose osnivači – Općina Vareš i Općina Olovo.

Član 24.

Prijavu za upis Društva u sudski registar, kao i prijavu za upis promjena u društvu podnosi direktor Društva.

Član 25

Ova Odluka stupa na snagu narednog dana od dana objavljivanja na oglasnoj tabli Općine Vareš i oglasnoj tabli Općine Olovo, a objavit će se i u „Službenom glasniku Općine Olovo“.

**PREDSJEDAVAJUĆI
OPĆINSKOG VIJEĆA OLOVO**

Izudin Kućanović, dr. med.

Broj: 01-01-3-1922/13
Datum, 02.07.2013. godine

**PREDSJEDAVAJUĆI
OPĆINSKOG VIJEĆA VAREŠ**

Zdravko Marošević

Broj: 01-202/13
Datum, 02.07.2013. godine

Odluka objavljena na oglasnoj tabli općine Vareš dana 11.07. 2013. godine.

OPĆINSKI NAČELNIK

Kovačević Avdija, dipl. pravnik

Odluka objavljena na oglasnoj tabli općine Olovo dana 11.07. 2013. godine.

OPĆINSKI NAČELNIK

Memagić Đemal